

耄

餘

詩

話

耄餘詩話自序

余有黃髮集襲徐蘋村先生之名也先生八十後所作詩
文名曰耄餘殘潘余精力衰頹草詩話以遣日憶往事追
舊聞所重師資而於貧交死友尤致意焉獻歲迄今積成
十卷過此以往未之或知假我數年安敢萌奢望乎

嘉慶十四年歲在屠維大荒駱陽月朔日內樂村叟周春
書時年八十有一

耄餘詩話卷之一

太夫子天台齊息園宗伯掌教萬松書院。余常得晉見。公自述墜馬額破腦流後。蒙古大夫治療之法甚奇。而詳世傳所讀之書不復記憶。此言過也。但精神頓衰不能如舊耳。公為余序中文孝經爾雅補注二書。載文集公筆墨。酬應繁。懶於構思。喜集古人詩文成語。嘗集蘇題余著書齋圖云。君方傍海看初日。無數雲山供點筆。清夢時時到玉堂。只恐先移北山檄。腹有詩書氣自華。一篇珠玉是生涯。給札看君賦雲夢。他年應作畫圖誇。畫工欲畫無窮意。笑人空腹談經義。若人如馬亦如班。故作明窓書小字。萬卷

堆胸兀相撐。火急著書千古事。著書要自見窮愁。一盞開
地且相留。青雲豈易量他日。潮連滄海欲東遊。賴有高樓
能聚遠。城堅不怕秋。濤捲應教斥鹵變桑田。斷嶺不遮西
望眼。樓前便作海茫茫。富貴在天那得忙。引盃看劍坐生
光。風吹海濤低復起。鯤鵬水擊三千里。印可聊須答如是。
松靄家居無事。箋經注水文旁。及百家著述甚富。先刻六種
行世。今繪著書齋圖索題。余病無以應。偶集蘇公句為歌。
以博一粲云。乾隆戊寅仲夏。天台息園居士。

寶綸堂文鈔八卷。門人無錫秦凌蒼藏。所刊余題詩云。瓊
臺鍾秀重名賢。滿篋遺文蠹字穿。賴有河汾能入室。表章

欣見棗梨鐫。

集為定并

觀察泰公選

松嶺容巖負笈從鄉音隔

海每相通。

台郡土海寧相

近語與

菲材幸附青雲末。廖氏名標歐集

中。

宗伯序拙著西裡載第四卷

公嘗預脩經史考證通鑑綱目三編續

文獻通考

大清一統志諸書所著水道投網三十卷浦江戴殿海所

刊戴權我州學正時早以見贈其餘著述甚多尚藏於家

未能悉梓

丁丑賦命改稱門人

宗伯具異稟目炯炯能矚一二十里許嘗登杭州之鳳凰

山視隔江西興渡口歷歷可辨又嘗於山頂指雲起處得

奇石皆似古篆籀名曰天然圖章銘之曰郁郁紛紛今文

古文。我安能辨。隨意所云。如切如琢。若耕若耘。不雕不飾。有骨有筋。似書似畫。非烟非雲。蟲魚鳥獸。呼類引群。山川草木。映日初昕。具有奇字。靈簡典墳。具有異款。鐘鼎夏殷。不隸三倉。焉識八分。不類史籀。焉問右軍。符象自天。請占靈氛。岳形有真。請詢葛君。石紋作印。自昔未聞。鳳凰山麓。金牛水濱。童子拾得。我為欣欣。縱橫綺合。疑似絲棼。惟忠惟孝。辨當斷斷。豈義能畫。豈秦能焚。結繩以前。體亦無垠。染朱成譜。元氣氤氳。象形會意。滿目錦雯。摩挲几上。聊樂我員。匪我克勤。化工之勳。

乾隆丁卯二月余年十九同先兄玉井先生受業於長洲

沈歸愚宗伯夫子之門。公旋患噎致仕。余兄弟每歲必數次至。吳携詩文就正。過木瀆之舊第。升教忠之新堂。捧袂摠衣二十年如一日也。己巳庚午間。公大為延譽。令門下士締交。故余與禮堂辛相識。面最早。在甲戌同榜之前。余鄉會房師竝公戊辰所取士。公不令稱小門生。已邇集明賢句書聯贈先君子云。禹糧堯韭庭前葯。孔思周情案上書。庚辰寄題余著書齋云。虞鄉著書緣窮愁。斯言感憤實謬悠。著書闡明天人理。豈因牢落方勤搜。君家結廬瀕滄海。眼界胸襟足魁壘。大廷對策旋歸來。穿穴書林仍不改。枕經昨史同飲食。中正和平豈奇僻。更讀人間未見書。內

外逸書竝紬繹。一心直欲窮千秋。醞釀吸漁供擘畫。高齋
竟日寂無聲。仰向屋梁神。豹豹經術經世尊。所聞他時出
政康編民。不為法吏為循吏。真讀書人能活人。我詩鈔餘
集卷四
丙戌正月先兄計偕北上。余赴選。隨行復同晉謁公。時年
九十有四。以後不復相見矣。

辛未七月余南歸。卧病壬申五月始能強起。於床癸酉正
月至吳公出。辛未小除夜。

御製詩序手卷命觀。背誦如流。至遠陶鑄乎李杜。近伯仲
乎高王及歸愚。更於近代詩家。視青邱漁洋。殆有過之無
不及者。故樂為之序。數句歡欣。舞蹈作曠世金石聲。蓋臣

下私集蒙

恩賜序實古今所未有宜公之感激至斯也黃崑圃先生
祝八袞詩云

聖序新頒寵孰齊。翻憐申伏祇。早棲文峯學海窮。巔際鶴
性松身重品題。錫命三章同潞國。著書千古埒昌黎。從茲
上壽稱平格。歲歲天書下紫泥。

宗伯晚年榮遇亘古所無吳中播為美談海內誇為盛事
待人和藹一出於誠見後輩詩文或有難字及用典微僻
必詳問出處然後細加品評與董浦草廬兩先生氣象迥
別也余論詩絕句云振衣請業憶平生。說項徒慙徒復迎。

杭。叟。真。狂。諸。叟。猶。鱗。門。一。老。是。中。行。

錢文端太夫子庚午初見於京邸己丑再見於禾城書來有云去歲孫女許字令兄次息廿年通家友誼重以婚姻矣。紙尾絕句云爆竹聲中景物殊。老人最後飲屠蘇。遙知獻歲多如意。為寄竹根如意圖。公位望尊崇而風致瀟灑如此信乎壽登文潞國而詩壓陸劍南也。

新建裴文達公庚午座主也。余受知最深。感恩最摯。有筆墨所不能罄者。甲戌榜下同蘭泉歸班。公大為搯擊。丁丑南巡獻賦。蘭泉得中書。而余以韻誤。田字為由。不錄閱卷。蔣文恪公。秦文恭公。皆深惋惜。公時扈。

駕不至杭州貽書寄慰迨丙戌筮仕粵西得以徑行已意
稱爲庶吏修梧郡志方能勉治歸裝皆公賜也壬辰公卒
後檢篋中得公遺墨感賦云自我與師別咸陽忽七更客
到傳遠訃夢裏魂頻驚俄聞此言信懷疑尚屏營篋中見
遺墨公感粵西道達手札令不覺淚從橫且憶臨行訓公
別訓諭諄諄且云贈子無他語努力加餐飯慎保千金軀而已悲感良交并人生非木石
能無哭失聲吾師事

聖主侍從登公卿三十餘年來四海仰者英文文章與政事
已垂千秋名不朽復何憾死哀由生榮所痛泰山頽心喪
遍門生吟望空嗚咽聊以抒寸情

余在文達公門下凡江右名士如彭參知雲楨蔣太史心
餘盧宮詹端臣輩皆識之尤與超然世兄麟契厚故知公
家事最悉嘗見素子才收集中有公墓誌銘乃其所自作
戴東原震集中亦有公墓誌銘注云代未知代何人作素
但言政績戴止叙官階其於內行之淳備才學之淵源竝
未能詳殊嫌疎畧也公字叔度號諾準一號漫士給諫公
幼子行五早歲而孤事生母王太夫人純孝時諸兄嫡出
各分門戶太夫人茹荼集蓼撫育成立公穎異絕世早負
盛名年未弱冠連舉優行宏詞兩科江右咸重太夫人之
母教焉公既貴友愛諸兄不以前事介意兄姪亦皆感動

雍睦無間言太夫人顧而樂之以為克承先志也太夫人稟性畏熱冬月不用熏鑪見北方煤炕輒頭目眩暈故每遇天寒凡衣被等物公與熊夫人以手熨暖以進日以為常其孝養大率如此公博覽群書下筆千言立就文疎古條暢參秦漢韓歐詩典麗高秀魚少陵蘇黃制藝醇雅簡勁具陳文章羅之長書法豐腴圓潤出入東坡南宮間嘗奉

旨續張即之所書經幾無以辨也公不欲以文人自命留心經濟之學於一切典章制度田賦水利兵防刑律之類莫不瞭如指掌實可見諸施行然平生內任之日多猶未

竟其大用矣。公卒後相傳為燕子磯江神禱者。輒應。顧晴沙光旭。詩云：爐香燭影曉猶紅。稽首陳情語未終。試看靈旂微颺處。春江已借一帆風。然余謂公之神在天下者。如水之在地中。無所往而不在。何得定指為江神也。

號淮城字宗器 乾隆丙戌至都。座主武進錢文敏公方奉

號幼庵又字稼軒

武進人。乾隆敕纂修音韻述微。知余粗通韻學。命參定體例。欲文殷分

以丑狀元工部侍郎

兩部而廢通真上聲於迴韻中。分出拯韻亦為三十部入

即山水氣聲

沉厚。得於聲併為十五部。後書未成而公卒。其說亦不果行。公自言

重印還原照

庚子生乾隆。承太夫人家學。甫三歲即能變四聲。通切韻。由夙悟天然

壬辰年詳五

也。又言軟紅塵土中除子外無一人可譚此事者。與子劇

十三編文敏

譚心地為之問與辛楫亦通翰林但知推廣顧亭林之說
益加博引繁稱不溯其源而沿其流彌令人懊悶耳公一
日餘後以宣德箋畫山水小幀題詩云夏山滴翠影微茫
窓外疎桐百尺長箇是幽人讀書處更無煩暑只風涼畫
畢投余笑曰我畫不易得聊酬子譚韻之勞公一門並嫻
風雅頌椒詠絮舉世艷稱爾時所見頗多惜不能記矣
座主介野園夫子家世戚晚幼擅才名早入詞垣海登鄉
貳前後衡文十次最稱得人乾隆壬午三月扈
蹕來杭州館響水閣召余夜話有相見上京之約公是夏
卒於途丙戌入都拜見師母施太夫人靖海侯襄壯公孫

女公伯子任佐領仲叔讀書家塾余有因到師門增感舊
郎君相對痛如何之句師母出公遺集欲余校錄惜匆匆
南歸至今念及未嘗不自媿荒莊也近讀

熙朝雅頌集敬題云回憶南來面命諄酒闌惜別聖湖濱。

驚心五月臺莊訃。此日吟詩倍愴神。介野園夫子壬午隨
駕回臺卒於臺

莊照眼琳琅妙絕倫。清辭麗句一時新。自憐閉戶知交少。

識面無過十數人。梁中樞文端太夫子何文勤太夫子留
松翁太夫子皆所親炙董子試時受知

於鄂荷亭先生外此李處青徵君鮑辛浦別駕禪所齊
觀緊秦復山太守及阿雨齋于然庭甯竹亭同年而已

乾隆丙戌余往粵西桐城張葵川夫子書出宰山水踪蹟

書松桂林對聯為贈又賦七律二首僅記天與清風先入

座人如滿月恰當樓一聯戊子余歸家常通音問辛卯為
余序夫不集庚子以大司成致仕丙午壽八十又二年而
卒癸卯余有寄懷詩四首錄其二云絳帳睽離十八年童
顏白髮羨神仙。書來言及小世
况已讀書矣却思槐市談經樂何似歸
耕下溟田龍眠浮渡兩名山都入耆英杖屨間屈指三年
開九表此心早逐奉觴班。

乾隆癸酉四月余謁安邑宋半塘夫子於郵署會奉化江
珙柱觀范氏天一閣藏書有詩紀之時野栢太夫子迎養
署中太夫子以少鴻臚致仕家居講明理學晚年撰憶往
編卽年譜也是年云癸酉五十九歲海寧周春來問學余

宋存淳山西女
邑人乾隆丙午
順天等處同榜
徽州山水卷秀
榜調

臨別五古一篇夫子戊寅遷南雄郡倅癸未告養已亥年五十有六而卒夫子精說文之學所著書未刊行已刊者尚書考證四卷蓋不信古文尚書者也世兄葆淳字帥初號芝山以孝廉官廣文壯歲棄官遨遊庚子主余家者半月為余作畫甚多嗣後足迹遍東南晚携妾僑寓刊上不復歸晉湖海間莫不知有宋芝山也

先兄壬辰試禮闈房考長沙雲房劉公呈薦已定擬元為總裁所抑公惋惜備至先兄歿後兩亡姪彥國彥曾復荷深恩嘉慶丁巳公以少宗伯視學江蘇為余序杜詩雙疊韻譜余以詩寄謝云南嶽清淑鍾瀟湘為洙泗大賢間代

出。寰寓瞻國器。家學青藜光。通經石渠議。丹鳳翔郊雲。十
名高中秘。寅清作秩宗。書笏徵故事。江左重衡文。群頌皇
華使。冰壺貯皎潔。玉尺量溫粹。壽沙一星明。奎躔同呈瑞。
佇見卜金甌。峻秩三台位。漢傳繼彭城。唐表增十二。率夔
勲業崇。蒼生盡沾賜。猶憶執徐年。伯氏禮闈試。感荷矜昧
恩。吹塌餘涕淚。夙昔仰韓門。常懷負笈志。神馳君山巔。堂
開浮遠翠。臨風祝瓣香。敢道平生意。公位望彌尊。而令原
銜感之私媿未報也。

耄餘詩話卷之二

乾隆己巳邑侯劉公守成季試詩題七月桂余有滿林黃
雪飄殘暑半枕濃香試早秋之句杭董浦先生見而賞之
相知由此始也時先生總修海塘通志寓水仙閣下余得
不時就正嗣後庚午迄乙酉十六年之詩皆先生所點定
也先生遊嶺南以集見寄余題絕句三首云通儒餘事屬
詩才。尺幅從教萬卷該。想見羅浮雙峰。雀吟窓。暢舞為公
來。詩法須參最上乘。南園舊社見重興。荔枝三百同桃李。
坡老當年得未曾。乍披徽紵快風涼。聽 蟬聲到夕陽。賴
此卧遊詩卷裏。燒殘一瓣海南香。先生遊廣陵余以詩寄

懷云先生半載揚州住。旗亭唱過驚人句。芍藥之譜瓊花賦。陳根淨掃天葩露。青蓮玉句來何暮。滾滾錢刀不盼顧。黃金却把諸生鑄。去時霄雪尚四布。銀潢案戶今如注。高齋絕少纖塵污。撲緣不到清風度。閑拂桃笙衣戰屨。暮奩欲啓浮香炷。遙知消夏多佳趣。十齋文中仙福具。底須跨鶴凌烟霧。家山一抹情霞護。望遠愁隔江心樹。準擬紅船挂颿渡。重尋醉翁栽柳處。坐對飛雲來北固。勝遊倘許陪杖屨。強飲肯教竟入務。世間萬事總僑寓。明月珠簾吾無慕。惟餘結習耽墳素。蒼蠅驥尾常相附。流俗那知得其故。先生極稱此詩。手錄入投贈詩文中。戊子自粵西歸後每

至會城必進許衙之卷登道古之堂觀棟架之書聆鶯筵
之論時先生正編次詩文集及刻續方言等七種越六年
而先生歸道山矣嘉慶戊午先生哲嗣茂才官仁刻詞科
掌錄餘話告竣屬余校讐并索作序余避謝未遑而茂才
亦旋即下世俯仰五十年間。尚勝淒悅。

董浦先生拙於書然饒有古意嘗云爾輩書學鍾王不過
魏晉我書乃三代秦漢也余每得先生手書輒裝潢藏弃
之先生胸襟灑落光明議論高曠透快遇才士貧乏者必
禮遇有加若子雲所謂蛟蚊則容斥不留餘地矣先生之弟
孝廉世馨字奕文品亦拔俗素簡齋枚輓先生詩云橫衡

一世談天口生就千秋數典才萬卷堆中碁局響三貂座上緼袍來誦此四句恍然如見先生矣

庚午余計偕入都寓米市衚衕諸草廬先生寓撫臨會館朝夕過從甚密譚藝每至夜分次年余下第歸先生題余讀書圖云周郎失意欲南還。心逐青松翠靄間。擬借一帆圖畫裏。來尋硤石讀書山。甲戌余不得入詞館先生疊前韻送之曰得意仍同失意還。歸心先上白雲間。草堂他日添惇史。免使移文到北山。先生尋以官贊乞休歸丙子為先君子序周氏本支譜余同先兄謝之晨權小舟至莫家灣謝畢辭出先生極力挽留令聳范君成遣僕入市買禾

宮以詩索和旋介門人錢馥屬余校經典釋文適以事不
果癸丑余思得殿版考證一觀錢生曰抱經先生所有
即行轉借學士手校是書朱筆蠅頭小楷點畫悉依說文
每卷尾詳記日月余嘆服其讀書精細用力如此之勤自
媿勿如不覺心折先是余不校經典釋文學士別託某校
某無知妄作余致書詳論之學士收不得余校余亦悔不
為之校也是年嘉平月學士序余杜詩雙聲疊韻譜甲寅
正月余寄詩云我聞古名儒年齡天所佑漢有伏生韓固
生與杜子春同高壽此皆典籍資英華乃知服食之說何
其謬東南一老范陽公四部七錄羅心胸湖光山色霑化

雨。掌教院雙鑠群誇綠髮翁。先生寓杭家餘姚。著書壽世

壽益高。即今耆英會首七十九。尚友黃綺攀松喬。夙昔山

斗常仰止。汗流走儘籍從似。便當買棹具一瓶。時方從先

年年立雪從此始。次年新學士壽八十卒於常州。

同年王西莊光祿同受業文憲公門下。故深相契合。為余

序爾雅補注書止四卷。余因其言增訂為三十卷。改名廣

疏。嘗以閉戶著書圖索題。余題詩云。東瀕滄海岡嶸嶸。靈

秀昔鍾四先生。練川二老今齊名。謂西莊光祿與竹汀宮詹儒林文苑

皆合并。清卿移居亞字城。閉戶著書歲月更。七堰八門六

十坊中推耆英。君不開濟南伏。口授尚書讀。又不聞緜氏

杜。周官精訓詁。通經往往登上壽。况兼諸史言九富。包羅
子集無挂漏。壓倒元美追伯厚。一卷應須添一年。數百卷
直同彭錢。披圖福地開琅嬛。雙松礪砢藤花懸。掘麟角管
磨丹鉛。共羨方瞳綠髮蓬萊仙。我亦覆瓿滿家空自憐。安
得如公一時紙貴千秋傳。壬子光祿年七十。余以天台萬
年藤杖賦詩二首為壽。有萬卷讀書陶勝力。千峯講學湛
甘泉之句。光祿書來云。陶勝力是陶宏景否。懇於繙閱。尚
未考也。余答書云。詩句不工。只是祝八十九耳。
余有著書齋圖。前輩及名人題詠甚多。乾隆癸丑。書室被
偷。同唐甄失去。時墨荔瓊莞吳某。縱盜橫行也。西莊光祿

詩後寄未經裝入獨存詩云一角狹地此卜居水雲三面
繞精廬松濤竹籟交深幌不為窮愁自著書愛錢愛馬並
成貧傳癖書淫性獨耽世味總輸黃妳美先生此段孰分
甘經史研草疊刺藤詩歌餘技亦峻嶒儒林文苑分途久
今日兼長健者能寂寂雙扉中有人丹黃脫手幾番新載
醪祛惑尋常事俗客何從一問津曲江謙罷放歸船零雨
飛蓬四十年差喜退閑成二老披圖瘦骨故飄然丹砂訪
得念荷衣桂海歸來硯不肥副在名山供眼飽何妨仰屋
忍調饑公但怡情自寫陶都頌誇許出同袍每於廣坐逢
入說著述無如我榜高自笑賴唐肅老公今年稍幸復清

瞳。待。看。四。部。編。成。後。理。樞。相。尋。橫。浦。吏。光。祿。三。載。失。明。是
夏。巖。電。如。舊。有。詩。志。喜。故。第。八。首。云。

同。年。錢。官。詹。竹。汀。先。生。先。兄。乙。酉。座。主。長。余。一。歲。以。師。友
之。間。事。之。先。生。七。十。余。以。詩。祝。壽。第。四。首。云。衆。仙。猶。記。詠
霓。裳。又。列。瓊。麓。弟。子。行。者。是。也。先。生。初。惑。於。小。阮。獸。之。玷
縱。送。之。說。以。同。出。聲。同。收。聲。者。為。雙。殺。又。謂。疊。韻。在。四。聲
之。前。雙。殺。在。字。母。之。前。與。余。論。竝。不。合。庚。戌。二。月。索。余。悉
曇。奧。論。半。年。後。寄。還。手。題。嘉。定。錢。某。借。讀。一。過。且。致。書。云
今。方。知。韻。學。不。易。先。生。從。此。潛。心。細。參。字。母。觀。所。著。養。新
恒。言。兩。錄。已。什。得。其。八。九。但。尚。未。能。透。頂。悟。徹。正。欲。與。先

生暢論之而癸亥冬訃至矣。先是嘉慶丁巳冬聞西莊訃
作詩云：齊年知我莫如公。四十餘年轉瞬中。揮麈譚經疑
立異。余信古發函論史本從同。十七史商榷等身共有千
秋業閱世曾無百歲翁。燈火青熒宵耿耿。那堪老淚灑西
風。及聞先生訃復作詩云：三秋聞說病侵尋。凶耗俄來自
武林。千古足傳名已大。一年已長痛尤深。何時徐禔重磨
鏡。此日俞牙已弛琴。太息西莊厄辰已。又遲七載到於今。
痛老成之凋謝。憐同調之無多。既悼二公亦行自悼也。
余與蘭泉少冠同年久不通問。近聞在省作札寄之。少冠
以詩箋見贈云：宦海抽身早。家山樂事便。追思年少日。同

上大羅天。白社尊人。瑞丹砂。養地仙。別來蒙記憶。珍重惠
長牋。聞說鳴琴地。循良見古風。懸鞭閑吏卒。慘慘走兒童。
彭澤歸真早。桐鄉澤未窮。清和今始屆。杖屨夕陽中。余答
詩云。遠將方曲寄。入手竹花涼。駕去詩篇好。吟來意味長。
故人情覺重。衰老感難忘。差喜七旬外。同年體各強。勲業
凌烟上。歸田羨景疏。卅年分出處。三立敢相如。寂寞聊開
卷。窮愁只著書。神馳松嶺畔。自笑媿莊樗。蘭泉選湖海。詩
傳成於嘉慶癸亥。內甲戌同年二十二人存者三人。迨乙
丑刻竣。則皖嵐參政竹汀少詹。竝下世。惟僕一人在矣。展
閱之餘。慨然有作云。二十三科前進士。詩中二十二人俱。

白頭龍種留殘叟。絳闕宮亭失大巫。豪氣未除天下健。微名猶戀域中愚。長吟嘆逝情何限。辜負丹青妙覺圖。

甲戌同年朱竹君號美叔其先浙之蕭山人年文雍正間官盤屋令後占籍大興竹君弟右君號南厓先於戊辰入

詞館升侍講矣一時才名籍甚都人士莫不稱朱五先生

朱六先生

兩有行四名垣字仲君
庚午辛未聯捷進士

嘉興同年賀牧堂

昆學

與二君同受業於朱鉅堂乾之門還往最密余亦時相過從是年出都時竹君賦七律二首送牧堂及余行猶記離聲四鳥忽分完之句石君體羸善病竹君友愛甚篤每客至戒勿令知恐其劇譚過勞鼻衄復作也竹君年僅五十

而卒石君駁踐中外再入翰林丁未視學浙江觀風以擬
江式求撰集古來文字表錢越王鐵券歌東海氣如圓蓋
賦命題亡兒壽親字雲孫號忠泉首取受知次年游泮賦
尤典與文場傳誦之已酉任滿來寧閱塘余謁謝於陳園
行館見其魁梧豐碩非復舊時清臞矣。

庚午同年趙甌北喜余雙聲疊韻之說見余杜詩雙枝疊
韻譜括略題五古一首手錄稿以寄即續刻詩鈔余以詩
謝云憶昔識君初師門同侍坐新建表文達公迨後官粵西避逅
停輕舸君之慶別逾三十載年光敲石火昨得和甫書謂
堂餘論曾及我雙聲疊韻難題詩許我可此事成絕學自

信精亦頗。誰將玉鑰匙。開却青銅鎖。短章還寄君。遙答雲

五朵。妙義竟何如。無味醍醐果。祝趾堂德麟亦篤信余說

所著悅親樓詩集。屬余詳核。悉改定焉。

甲戌榜下。挑選余與紀曉嵐王蘭泉二公。竝不預。曉嵐因

史文靖力薦。補挑。曉嵐語最詼諧。自謂不祧之祖。記憶猶

如昨也。嘉慶甲子正月。曉嵐以大宗伯拜參知。不一月而

卒。聞之得詩三首。云丹墀鶴立待挑時。共聽詼諧共解頤。

五十二年如夢裏。果然身到鳳凰池。雲泥路隔敢同論。回

首平生敝帚存。我有三書音學公四部。灤陽消息雜志辨西。

也。妄言藝文他日各分門。雁塔朱書事偶然。優游林下羨蘭

泉。晚歲蘭泉竝年八十有二但祈我得二公壽。戢影柴門尚五年。

四庫全書。采近時人著述甚少。通計不過十餘人。而余甲戌同榜得三人焉。顧古湫。鎮姜白巖。炳章。范蘅洲。家相。皆晚嵐先生力也。尤可異者。三人二甲聯名。姜第十。顧十一。范十二。其書著錄亦相聯。顧有虞東學詩十二卷。姜有詩序補義二十四卷。范有詩譜二十卷。同時仰屋著書。不知凡幾。而三人得列金匱石室之藏。豈非幸乎。就中蘅洲為最幸。古湫白巖。竝前輩樸學。當之無愧色也。西莊詩云。每於廣坐逢人說。著述無如我榜高。信然。

方伯謝蕪潭先生以所著西魏書六冊。樹經堂詠史詩二

冊寄贈索觀余舊著遼詩話題絕句二十四首補詠史之
闕刻蓬巒軒集中先生在浙每有新刻必行寄贈廣經義
考采及拙著後擢撫粵西余以詩送行有云此是庚桑尸
祝地望公拂拭到羅池謂余曾宰岑溪有三賢祠制府孫
補山士毅題額邑令高密李少鶴憲喬撰記三賢者劉公
信嘉于公烜及余也二公初無祠主寄傳忠烈祠內余奉
諱歸里不受聘儀士民因構屋三楹於常寧墟為專祠後
于公令嗣鴻視學粵西別創建於上化鄉規模宏麗像設
莊嚴共費五千金此乾隆甲辰年事

素簡齋之歿也蘇潭方伯聞之作哀散仙詩暮中輒未能

解鈔以寄余。因亦作一首云。輕薄文章論最公。才名却擅出群雄。孤高敢望林和靖。快活真如李笠翁。晚歲門徒巾幗盛。平生口腹食單豐。自憐曾被山膏譽。佳句長吟思不窮。簡齋續詩話。曾詆拙著杜詩雙聲疊韻譜。故有第七句云。方伯見之曰。松靄解也。

方伯云。余江右人。而不言地理。今官于杭。而知風水之說。亦復有之。好刻書之鮑以文廷博。迺胡文煥之後身也。工詩文之袁子才。校真李漁之嫡派也。名論不刊。洵篤雨人之知己矣。

介休梁確軒祭酒。錫璵嗜讀易。日玩一卦。周而復始。如是。

者三十年乾隆辛未保舉經學授國子司業所著易經揆
一派翰林中書各二十員繕寫一時榮之祭酒姪恒齋
與余雅契令具子啓泰從學以俟一十冊為贄恒齋工詩
文書學閣帖嘗書壽萱兩大字為先慈壽余賦詩謝之其
第二首云擘窠兩字重琳琅新製鸞綾巨幘裝朱萼絳趺
榮寸草銀鈎鐵畫照高堂導與子舍歡何極舞綵官衙樂
未央行見起居公八座共期百歲進瑤觴太夫人壽開八
表迎養署中啟

云恒齋初宰嘉善以廉能著戊子擢東海防同知

乾隆乙亥丙子間先兄手輯舊五代史鈔上冊卷一梁卷
二卷三唐下冊卷四晉卷五漢卷六周丁丑之秋下冊燬

於火殘闕不全乙酉計偕北上携余同行遇邵二雲晉涵
於山左旅店道及此書時竝未知永樂大典中所有也又
及余爾雅補注四卷因西莊言增訂廣疏三十卷二雲之
用力於兩書實自先兄發之今二雲爾雅正義早已刊行
舊五代史復為經

進之書列於二十四史而先兄所輯世無知者展閱再三
不禁老淚漬紙也吳槎客爲題詩四首錄其二云辛苦遺
珠滄海探劫灰底事到枯蟬而今恰似歐陽稿好配廷珪
墨半函溝里沙陀戰血腥水天閑話散如星阿誰為報青
門客補史元來別有亭自注姚江邵與桐太史從永樂大

典補輯舊五代史比較此書頗多桂漏

耄餘詩話卷之三

嘉慶癸亥中丞儀徵阮公入

覲余送行詩四首云名宦芳徽溯百年高安

朱文公武進

殺遠隨肩公來與昔稱三傑唐後從今得六賢

謂郭侯青

白叟黃童歡匝地綠幢紅旆喜朝

天。適歸快慰蒼生望。卿月起瞻兩度圓。用蘄綽綽吉金辭。

願祝期頤進壽卮。家慶偶教違子舍。

國恩行見拜丹墀。彤盧弓矢添年算。袞繡衣裳介福禧。

三接殊恩傳海寓。便將韓奕補笙詩。東西兩浙盡詭吟。比

屋安瀾到海潯。迷職定為天下最。銜恩尤覺此邦深。太平

從上千花豔。都尉城邊萬柳陰。賢序更欣憲教澤。傾陽齊
抱鳳葵心。昂台地望仰夔龍。儒相金甌指頰脣。他日勳名
文潞國。此時經術鄭司農。群山都向青高附。百谷咸趨碧
海宗。相約九秋迎節鉞。西湖開過錦芙蓉。公稱此詩冲和
諧雅。媲美唐賢。余深媿斯言也。公序余十三經音畧及小
學餘論二書賦詩志謝載集中。茲不錄。

中丞雲臺先生胸羅四庫筆掃千軍。羣夷深深寧貴與之
長。擅昌黎眉山劍南之勝。合漢唐宋而為一。麗藻洪才貫
天地。人以魚三通儒碩學。宜其遭逢

聖主登朝。四載驟晉宗階。稽古之榮罕有倫比。迺復憐才

愛士收錄片長宏獎風流覺漫堂不足道矣竊謂公生平大節在不奪情。洵晚近之所稀。李安溪尚多遺議。非史冊之易覲。張始興未能固辭。公政績悉數難終。最大者莫如賑濟清獻治越。鄭公治青全活百萬生靈。前後實堪踴足。嘉慶乙丑七月丁外艱。歸三載以來。閉門讀禮。德望彌高。兩浙十一郡士民莫不莫福星之福。重蒞也。戊辰三月公再撫浙江。余以詩寄迎。曰千秋高節孰能攀。伊呂由來伯仲間。唐相曲江猶有憾。獨懸忠孝照區寰。敬歷紳班天眷優。旋聞受鉞按中州。梁園到處稱明允。駢竹爭迎郭細侯。兩浙重逢福曜臨。蒼生翹企憶恩深。三年久廢莪蒿

句。一。夕。先。傳。袞。繡。吟。甘。雨。和。風。惠。此。方。農。歌。于。野。士。歌。庠。
萬。間。廣。履。尤。銜。感。寒。士。歡。顏。話。試。場。功。名。群。羨。黑。頭。公。勲。
德。彌。尊。望。益。崇。行。見。孫。盧。都。掃。盞。烽。烟。永。息。浪。花。中。施。濟。
開。倉。慶。史。生。趙。公。賑。越。富。公。清。青。應。知。三。郡。遺。黎。衆。萬。落。千。
村。頌。百。齡。詭。思。早。過。武。林。城。此。日。軒。車。滿。路。迎。山。色。湖。光。
還。似。舊。禽。魚。草。樹。盡。光。榮。東。西。連。接。漲。沙。塗。無。復。波。潮。向。
北。趨。海。若。亦。欽。台。鼎。重。安。瀾。效。順。作。前。驅。桑。柘。陰。中。桃李。
蹊。游。人。攜。手。太。平。隄。韶。光。直。與。恩。光。接。海。上。遙。看。紫。氣。齊。
十。載。常。叨。特。達。知。如。霽。祠。祿。擁。率。比。自。憐。晚。景。悲。涼。甚。述。
德。抒。情。賦。小。詩。

嘉慶壬戌冬日中丞阮公親課安瀾書院酌定章程延余
掌教余有紀事七律四首癸亥二月朔日開課余有即事
五律四首竝已刻箋一時頗多屬和戊辰余年八十小峴
少寇以五古四十五韻寄祝有云安瀾開講席多士荷陶
甄談經擁準比子衿來僉僉重使甲第盛席上羅群珍門
人陳庶常傳經和云後進競捧袂大雅憑扶輪閉門萬卷
擁操筆片善甄論古夏侯湛積學鮮于僉皆指此也

中丞課士不專用排律癸亥秋課題鎮海塔七律不限韻
七古亦可余出金帶圍歌修川競渡曲竝七古不限韻佳
詩頗多而以陳增為最甲子中丞甄別題賦得出門一笑

大江橫得仙字秋課賦得秋蘭得騷字場中不得題解余
擬作以示諸生九月朔課余出鹿鳴宴用東坡韻陳增疊
韵四首亦佳增六歲能詩才氣縱橫足以推倒流輩丁卯
正月客遊揚州以行卷就正於公公大加賞識錄其詩入
瀛洲舟筆譚增字方川號月樺與傳字學初號晴巖竝丙
齋少司寇之後

嘉慶丁巳余得交秦小峴少寇十餘年來公敬歷中外聚
散不常而唱酬之作甚多各有集不具錄仿張為圭客圖
畧摘數句觀者可見一斑也終夜桔槔響蓬窓微露侵姚
持巡海節不盡憫農心海昌舟夜我慙名宦湯荆峴君似高人

徐瑛齋

海昌行館
東松齋

樂應忘老至。貧不為生謀。著述五千卷。

逍遙七十秋。

生與蘇同月。

庚先三日前。

十一月十六日才子名超。

驥諸生慶集鱣。

壽松齋七
十生辰

嶺梅香雪散。紅樹暮雲平。終擬

還初服。知君招隱情。

次松齋
見寄韻

此公詩也。士仰品同。喬嶽峻

人欽心比。惠泉清

卓送秦觀
吳入都

察論使。桓寬先。閣筆文教。陸贄

亦低頭。

方建清觀
之議

頭白難忘知。已感汗青易負等身

憐。闔心遊子辭家後。

時余姪
曾同行

轉盼蟾光兩度圓。送奈庶
款入

觀宦情澹似李成筆。歸思濃於張翰林。

杯鷗本何心。迎遠渚。

鶴曾相識到幽扉。

和告歸
懷四首

述此余詩也。其餘五七言長篇

如公題岑溪三賢祠圖及余寄賀兩首竝不載

無錫王妙開官江南庚午同年也官達州州同依小峴先
生署中以詩見投余答云有以少為貴同年胡不然姓名
書淡墨折記數年窠寓十五國其數殆逾千屈指會面難什
伯僅三四焉迄今五十載落落晨星懸憶見秦淮海得
聞琅邪賢牽絲赴巴蜀知幾早歸田西川有杜鵑東川無
杜鵑不覩潢池弄超然地行仙頻來遊武林愛結山水緣
江南自君外尚有姚姬傳吾浙自僕外尚有趙泉庵北榜
惟甌北盛名尤翩翩遭逢致不一老壽天均憐吟詩羨健
筆想見篋中篇承題先凡遺照譜誼愈珍重辭意何纏綿願言泛
輕程觀潮過海壖風流成二老重開耆英筵此詩先生極

喜之謂其音節入古

嘉慶戊午余掌教海鹽名其詩為覲鄉草自撰小序云越絕書云海鹽縣始為武原鄉又云覲鄉北有武原今海鹽觀此則覲鄉武原皆即海鹽也今人但知有武原而不復知有覲鄉矣茲以覲鄉名其詩俾世人知海鹽之為覲鄉者自余始。小峴先生題詩云浙西老宿傳經叟七十年來鬢乍蒼。海上舉比看獨擁。覲鄉即是武原鄉。

袁子才詩話云張翰詩黃花如散金。菜花也。通首皆言春景。宋真宗出此題。舉子誤以為菊。乃被放黜。子才此說大謬也。案吳虎臣能改齋漫錄云。袁州自國初時。解額以十

三人為率。仁宗時。查拱之。郎中知郡日。因秋試進士。以黃
花如散金為詩題。蓋取文選詩。青條若總翠。黃花如散金
也。舉子多以秋景賦之。惟六人不失詩意。由是只解六人
後。遂為額。子才既不知太白所云。張翰黃華句。風流五百
年。而於此事。又作模糊影響之譚。最為可笑。且黃華不必
定指菜花。不過春花之黃者。如唐棣之類。而菜花亦在其
中也。紀曉嵐我法集亦云。南宋試士。誤與子才同。癸亥三
月朔課。以此命題。因詳示諸生。

吳稷堂先生。於乾隆丁未戊申間。曾介內弟許西鶴奎。寄
贈十國宮詞。竝索拙刻。余以初刻六種。皆少作。悉行改訂。

復之。近見先生所輯藝海珠塵，採余中文孝經孝經外傳入甲集，則六種之一也。丁集復採海潮說三篇，心甚感之。嘉慶丁卯三月，先生來寧過訪，以河源紀畧承脩稿續通志謚畧，急就篇姓氏，補注諸書見授，余舟次報謝，呈音學三書一部，旋即解維。為之招帳，先生丙寅五月七日旬壽辰。庚午病卒，年七十有四。二十餘年文字之交，而長別於光華亭橋之一面，俯仰身世，曷禁慨嘆。

乾隆庚午冬，識常塗曹鱗書。洛裡於都門君年八十有三。雍正己酉，孝廉官國子助教，余年二十有二。己酉生結忘年之交，訂金蘭之譜。君自言五十歲時臥床不起者六

七載妻子俱逝孑然一身後病稍愈棄家遊黃山遇異人
飲以百花酒頓覺精神煥發強壯如少年歸而應試登科
續娶連舉五丈夫子皆六十歲以後事君雙眸炯炯鬚髮
純黑健啣過人日可行五六十里人皆謂所遇之真仙也
迨甲戌余再入都則君以年逾八十蒙

恩特授司業既而余南還君改翰林遷學士戊寅冬乞休
壬午三月余獻賦武林遇君孤山之麓策馬疾馳見余急
躍下馬趨捷輕便相與班荆道故知其接

駕來杭匆匆別去此後不復見矣君善畫山水學王蘆臺
司農余藏有小冊十二幅題詩亦佳茲錄六首云柳外山

環翠雲深水渺茫。空亭留積霽。小艇住斜陽。山深樓閣迴。
烟樹老雲根。橋板蒼苔滑。高入畫掩門。雨過嵐光碧。霞橫
老樹間。危亭欄虛壁。何路可躋攀。林深山徑迴。結宇在青
霄。料得孤峯外。晴雲萬里遙。雲冷山深碧。環山三兩家。俗
塵飛不到。閉戶鎖烟霞。山疊雲連岫。溪涼樹拂陰。垂綸羨
老叟。並不問升沈。

乾隆戊戌四月於武林錢氏寓中見王南亭侍讀世考年
一百十四歲尚能健飯步履如常曾孫五人隨之自述生
平頗詳幼不讀書好拳勇四十六歲時途遇漁者籃中携
一金色鯉魚買而放之未幾風雨驟作避雨涼亭下見魚

化為龍空中禮拜而去。自後便覺心地開朗，漸能識字讀書矣。五十八入學，六十三補廩，八十一出貢，九十六得官，九十七進京祝。

壽加六品銜，一百七歲再進京。

特恩授司業，預香山九老之列。又進侍讀，此真人瑞也。曹鱗書洛種王介眉延年，遜之遠矣。侍讀為余姪書一長壽字，索余贈詩，余口占贈之云：百十四齡天下少，香山九老首推公。從今祝壽無他語，千載還期寶掌同。遊庠已過服官年，東鐸期頤萬口傳。聞說壯時曾殺賊，英雄投老即神仙。將車持杖曾孫五，太史應占聚德星。染翰手書長壽字。

一時圍擁看南亭。

癸亥秋張雲藻明府青選來權州事。適來少仙學正文治
監院少仙工詩與張船山侍御問陶為詩友。雲藻手書楹
帖見贈。乃殷彥來所集贈漁洋先生句也。余不敢承走筆
作五古志謝。雲藻旋任魏塘。丁卯夏從少仙處以校刊周
禮寄贈余賦絕句五首。謝之錄其二云。嶺南名士浙西宰。
良吏還教文學并。選羨政成三載日。琴堂愛聽讀書聲。校
刊善本周官禮。寄我閒窓老眼開。如此風流賢令尹。江
能有幾人來。

嘉慶壬戌修川創建義塾發三女堆侵及墓門古瓶散出
吳槎客明經騫過之有感賦詩邀余同作余詩五首并序
云長安鎮覺王寺後有三女堆即僧惟肅結大界碑所云
坐古三女墩以建之也墩音近相通載在周經由來舊
矣後明季歲饑被盜因而佛殿雄踞其半詳見談氏外志
許志采之案三國吳志孫權第三女魯育字小虎外志據
橫浦赤兔銘指為全琮妻大虎者非至後配劉纂之說尤
誤周循尚主早卒在黃武時大主早寡故黃龍初同小主
下降若小主配朱據時據年已四十當為繼室後十八年
而據賜死女為太子妃似無再適之理否則何以始終竝

稱全主朱主而孫休推問朱主死意必謂二子熊損所白
乎蓋吳大帝自有中女即滕允所尚之主若劉纂寶鼎時
尚在官終車騎將軍自胡冲而外無言其先尚中女繼室
小虎者想因大虎醜聲遂致流傳失實後人將裴志所引
增入正文賴有滕允足以一洗其誣矣又搜神記謂朱主
理石子岡當是鹽官營穴迺自石子岡遷來正不必泥於
令升之書也偶記芷畦石柱記箋釋則景帝之陵且在素
苑而三女之堆更何疑義竹垞開諸近修諒非妄語耳保
護儲君大義乎一朝被譖痛啼烏珠環玉釧無窮恨欲向
螺磯問小姑夫婿雲陽拜粉侯廟堂燎鵲話才猷始終不

魏。朱。公。主。

國志稱全主朱主通
鑑稱全公主朱公主

莫。誤。全。家。莫。誤。劉。貞。魄。長。

辭。石。子。岡。鹽。官。遷。穴。久。蒼。涼。棠。梨。一。樹。花。開。處。月。下。歸。來。

錦。繡。香。散。落。人。間。方。尺。輒。篆。文。髣。髴。扈。君。鐫。盤。門。亦。發。孫。

王。墓。詩。禮。重。逢。七。百。年。松。下。白。雲。梅。里。句。獨。留。紅。粉。欠。菴。

詩。誰。憐。兄。妹。同。塵。劫。尚。有。靈。泉。祝。仲。基。

見鄭元慶石
柱記變障汪小

海。明。經。非詐。諸。當。事。勒。碑。刻。古。三。女。堆。四。大。字。以。杜。再。佔。

無。如。土。人。立。於。寺。中。不。立。牆。外。恐。未。能。保。其。將。來。也。

海明經非詐諸當事勒碑刻古三女堆四大字以杜再佔
無如土人立於寺中不立牆外恐未能保其將來也

耄餘詩話卷之四

乾隆戊戌送亡兒利親歲試至杭訪朱朗齋文藻於汪氏
飛鴻堂服其學問淵博與之訂交嗣後書札頻通君亦極
其傾倒癸丑新正來寧過訪余與同遊陳園君賦七律二
首時將為濟南之行既而客儀徵阮公學使幕中助撰山
左金石志公調任浙江助選定兩浙輜軒錄余以詩寄懷
云三年不見朱遵度。腹笥包羅萬卷書。杭鶴一燈還未墜。
西冷十子果相如。著述等身盡足傳。篁村詩話賴增編。武
林此日徵文獻。能不思君一慨然。公出撫我浙輜軒錄方
行刊刻嘉慶辛酉祀憲日君携輜軒錄贈余展閱之下見

先兄玉井先生暨亡甥張梅崖景筠兒幼圃利規姪筠谷

彦國遺詩竝蒙采入作詩寄朗齋云海內文章伯輜軒兩

浙來諱經超馬鄭作賦壓鄒枚散佚搜羅迥幽潛闡發該

夢中爭拜謝洵足慰群才解纜童兒塔匆匆送客舟選詩

高仲武問事賈長頭博雅誰堪匹名通孰與儔武林耆舊

盡杭屬一燈留自抱鴛原病今逾二十年遺書存舊藁先

向輯舊五代史鈔六卷邵二雲留心此書實勝詠得新編先

自先兄發之其時未知永樂大典中所有也先地下應相權人間早共傳計偕中道返隱痛孝廉先

赴都至非安七葉傳家學名儒溯待軒愁中惟補史先

史藝文志八卷吳桂容為之序先病後不窺園綽楔兼兒淚先

盧抱經群書拾補全襲其書

力疾為
母請旌

丹黃落筆痕。

手校九
經三史

陽元蕙叔寶。太息復何言。高

堂開六秩。每話弄孫遲。

亡兒生於乙亥八月朔
生日亡姪後七日生

此日悲何

限。當年喜可知。編蒲都好學。采藻竝能詩。門祚真衰薄。雙

凋玉樹枝。歲序方闌候。龍鍾嘆此身。壽過長樂老。品擬葛

天民。只合飾巾特。何猶開卷頻。自憐餘結習。欣遇采風新。

再題絕句六首云。平昌東鐸詠思親。好補南陔句。子新珍

重遺詩今采入。却教選政屬陳遵。

先祖集載邑志藝文茲
采二首先祖嘗同陳世

修選平昌詩鈔後乞。先子韶年翰墨場。惜無片紙貯湘囊。

詩評僅有香山集。能使劉馮盡走僵。

先君子詩藁燬於丁
丑之火僅存長慶集

選二卷。載郡邑志。藝文春同先。凡謹

辨香山詩評一卷。桐
城張樊川祭酒夫子撰。序謂不減方虛谷。而出劉須溪馮

死吟。辛齋遺集久烟消。賴有羊欣好事抄。無限身名付磨

滅。吟詩何苦費推敲。聞諸先君子曰陸辛齋詩集多出羊

試首名不得一科而歿初白中山尼一篇到今人為荔裳

憐。愚忠此婢真難得。可惜曾無姓氏傳。威秦川袖堂筆記

辱時有侍女挺身代之濟南教授 共道恒農詩學殊。濟陽

萊陽周守一字季和言之甚詳。

而外更誰如紛紛耳食譚開寶。未解淵源左郭書。我州詩

自查氏外即雅揚詩人指不勝屈外叔祖瘦仙先生詩字

畫稱三絕春少時同人先兄學詩於先生先生教以從集府

入手詩方免存近人多侈 蠹簡殘篇篋衍稀。發豈安得盡

無遺也。知此事由天幸。史志皆然况選詩。前輩郭星如燦

澄亡友黃文蔚兩張翰章愈未入選詩弟手張前山庭君

琮錢廣伯穀已選而沈阮陶器仍造殆有章不辛耶 君

後助蘭泉輯金石萃編丙寅六月書成而蘭泉卒八月君自青浦歸杭相繼而卒余聞其訃為位哭之王偉人學使試古學君第一補增廣生朱石君學使試古學君復第一補廩膳生以諸生終命也余謂君直接杭厲一燈良非謬語而蘭泉欲以馬青湖繼前輩之後豈公論乎。

蔣春雨

元龍

禾中名士也乾隆丁未初冬索畫余作芝蘭

圖贈之題詩云禾中風雅今朱季廿載香名心所欽添寫奇芝同臭味蘭言一卷遠披襟君答詩云卅年前已仰光霽道阻無由結末契歸來栗里抱遺經漬墨磨丹戶常閉偶然仙露霏毫端著書齋中乃餘藝忘心蘭思不可親芝

水湘雲亦何際。忽從良友乞得之。

謂馥林

秀色勻染一枝

枝。香林芳意已滿幅。齒牙謬假東風吹。其旁添寫金蘭芝。

孤根互保空谷姿。服之長生足療饑。遵海而南神先馳。訂

交逾十年矣。嘉慶丁巳二月過訪試耶律文正公天然硯

題宋刻金仁山尚書表注。匆匆別去。別後以天然硯歌見

寄君詞翰之精。余所心服。戊午夏聞君訃。不然痛悼。作存

歿口號。日杭有朱朗齋。未有蔣春雨。兩人我畏友。詩文進

乎古。朗齋好博覽。萬卷胸中儲。窮年常兀兀。今已六十餘。

春雨蕪書畫。八法尤精絕。得者藏棄之。重與香泉瑒。杭未

多名士。車載而斗量。無出兩人右。輿論漫低昂。富貴無聲

稱零落隨草木。長留天地間。豈羨庸庸福。蔣以明經老。朱尚滯諸生。高才竟不遇。造物殊不平。駕湖客到來。驚傳春雨死。年亦六十餘。痛惜何能已。歿者不可作。存者倍可珍。執訊寄朗齋。加餐保其身。

余過閱大藏六百餘函。專為字母翻切之學。於禪理未之深求。然涉獵之餘。頗皆領畧。惟讀至時非時經。茫然不解。吟詩問富陽。單斗南居士。始曰。三脚非時。五脚時。閉窓獨坐。費尋思。梧桐葉落芙蓉老。滿眼寒山拾得詩。斗南素譚禪。答亦不能解也。茲有叩其說者。約畧言之。其法分冬春夏而無秋冬。八月十六日起。七脚時。四脚半非時。至十二

月止十一脚時九脚多四非時春十二月十六日起十脚
時八脚少三非時至四月止四脚時二脚少一非時夏四
月十六日起三脚時二脚少四非時至八月止六脚時四
脚半非時余作詩時適當七月故云三脚非時五脚時內
兄許雪林明經士元工詩文精通禪理不減斗南當再從
齊豐借經我兩人覆閱參悟耳

吳槎客爲拜經樓詩話引說苑文王似元年武王似春王
周公似正月以喻詩論頗奇創因憶乾隆甲子正月杭人
沈厚田范新刻

國初文選內繆壽陽周公成文武之德題文用此三句不

知所出有終身北面之評且過致海昌同人時城中素稱博雅者如吳鶴亭錫祿張誠之為儒陳湛斯沅揚書傳時竝不能答先君子出家藏秦漢之書率先兄及余檢閱即日得之作札寄杭厚田田札有皈依濂溪五體投地之語。偶憶及之。追思一門自相師友之樂不禁黯然。

廣歐微錄庚午歲我宗同舉浙榜者十人座主新建公所以有仇十

日修字叔度 洲之雅誼也。人問公何以中周姓如此之多公笑曰此之謂仇十洲開者哄堂 辛未四月

新建人龍登 朔日十人會於解元心羅兄寓別書小錄相約子姓世世

已禾進士王即 以齒叙各賦詩紀事十人者烈字配三錢塘叔 翼洙字迪

尚書益文遠 文嘉善禮 天度字心羅錢塘 澧字芭東嘉善 之璇字聖期仁和 獲

培字以升。仁和復陸寬字敬敦。仁復陸字庭賡。仁春字苞

兮。海元浩字漢川。山陰是榜同懷兄弟。凡五家四周外尚有

汪大榮字晉庭。永錫字孝傳。錢塘汪孟錫字康古。仲鈔字豐

玉。秀陳玉藻字泰字玉敦。字受業。錢塘亦自來所少。可入樂

子正。廣卓異記也。心羅號讓谷。題余讀書圖云。松鶴個儻

才。嗜古無不涉。網羅妙衆有。苞舉富漁獵。方其撼堅銳。一

往氣道捷。迎機或洞要。聽笑圓兩靨。學成步天衢。革行敢

騰蹠。吾常叩其談。傾倒意彌盈。因之詢往年。懷袖出所挾。

為語勝冠初。罕與人事接。山茨傍欄阿。足音未嘗躡。有時

雲窺牖。虛室動淄淄。長松落青蔭。紺練上眉頰。有時風入

簪交暑或忘筮。笙簧奏天籟。雅與墳典協。別來入海中。結
想夢猶輒。寫圖頗好手。如饑頗思餼。吾聞三嘆所。歲月豈
容疊。寧惟壯心邁。兼恐塵累浹。收圖卷還吾君。藏弄慎醜澁。
讀書貴用饒。遠志在神愜。勝踐故云佳。矧寓名山業。

嘉慶丙寅冬亡婦許氏之喪。余彙刻悼亡詩為墨華館小
彙一卷。共一百八首。悼亡絕句六十四首。所以代行狀也。
較漁洋為多。江村為少。而余一生之踪跡亦畧見其中矣。
終七之期賦七律八首。有芳巾染澤尼拘類。碧草侵階舜
若多之句。客問其義。案尼拘類譯無恙。舜若多譯空竝出。
內典又辨王質紹陶錄粟里年譜。早年失妾之誤。訂東坡

集補遺雜詩二首為悼亡之作。論者謂其說可傳。小峴少
冠。寄慰詩云。遙聞有淚感西河。痛到鰥魚更若何。滄獨海
昌餘一老。傷心偏入暮年多。嶺外歸耕下漢田。閨中多羨
少君賢。百年夫婦終須別。已是齊眉六十年。黃昏微雨畫
簾垂。燕去雕梁使不歸。十二年前腸斷事。西湖烟月鎖空
幃。自注。余以乙卯四月在
杭州。遭亡婦之喪。故云。丁卯夏得少冠書紙尾系絕句
次。上年見慰第一首韻。有一語勸來須解脫。吾曹只是累
情多之句。余感其意。賦解脫吟寄之。云。禪有解脫門。兩字
未易言。諸佛如蜺斗。六根歸其源。向聞自覺香山心。我今
灌頂醍醐深。欲飛東坡解脫鳥。來寄淮海解脫吟。

亡兒利親字析源號幼圃弱冠入州學以經解受知於學

使南昌彭公補增廣生乾隆丙午下第鬱鬱得心疾越七

年而歿病中盡焚所作詩文無一存者僅搜得試律數首

及題清明上河圖二首云張著題為張擇端圖成無復到

臨安夢華追錄千古留與人間一例看妙繪難從東武

尋流傳摹本重黃金誰知藝事還堪諫下降仙卿記姓林

相傳摹本互有詳畧以演正
臨雜刺者為佳譏望素也詩采入兩浙輶軒錄

學使儀徵阮公觀風詩題表忠觀落成詩以誌事兩浙不

下數千卷刻入詩課者僅七人亡兒壽親預焉旋試高等

得餼於庠丙寅九月兒病歿余哭之有詩二首并序今錄

其二云宗工賞識浙江傳稻稌秋風已有年方冀千鍾謀

祿養便悲一薦謝塵緣

兒久困鳴屋甲子秋聞出餘

誦詩

漫說杜工部怖病空思桓石虔齋志九原長已矣

兒患疾瘡因早

眠獲琴遂至不起

幾回搔首欲呼天曇華館小藁詩類多愁苦之

音此尤不堪卒讀者矣

三哀詩并序云余自戊午主講海鹽至辛酉冬而朱君雲

仲瑞

卒雲仲鹽之名士余為悼惜然四年中一人而已

不意我州書院癸亥秋間死亡相繼悲賢才之殞遊逝痛

門戶之彫零各繫以詩聊當招此云爾陳茂才

傳教字習如工詩文魚通

禪學將貢成均而卒

世系書唐表門才重綺紉誰知推貴介却不異

單寒闢藝文心捷譚禪法界寬所嗟終齋志何日贈方干

沈茂才

廷璐字清柱早歲遊庠昆弟並有文譽今夏造館魏塘月餘病歸甫抵家而卒共識東陽

沈形容似鶴臞逢時才筆健閱世壯心枯豈料三旬別選

驚一夕徂斜塘風月夜慘澹挂帆蒲姪孫

如旋死兄玉井先生長孫大姪

彥園之子字履祥少失怙恃力學能文工楷

法補博士弟子員姪年僅二十有文病死門祚真衰薄

傷心十二郎

謂次姪彥曾抱孫

如何纔匝歲又復哭孫行質樸風

殊古窮愁氣未揚出門車軸折泉路眼茫茫又族姪孫雅

祺字正欣

甲子入學次年不幸溺水死又修川譚諫烈字

以首試首名入學將婚而夫兩人肄業書院並稱能文

楊生

禮初

字勝私晚研先生曾孫嘉慶戊午從學于余是

秋卽登副榜。潛心好學。中後館會城。詩文益進。惜乙丑夭
卒。偶檢其詠。雁來紅云巧匠染成紅。卽紫天工幻出葉。為
花又賦得。誤筆成蠅。得成字五言八韻。有濡毫含意。遠舉
手笑彈。輕撲去看。應訝掉來認。轉驚樓屏。曾有影落紙。却
無聲之句。並佳。

門人錢穀字廣伯。好說文之學。余授以字母。多所悟入。學
宗楊園詩。不多作館省中邵氏。與盧抱經及梁耀北。杭義
寅輩游。見聞日進。生不好為時文。年三十外。卽棄去。不應
試。嘉慶丁巳。雲臺先生聞其名。令人勸其應試。而生堅不
肯出。不願一衿也。時頗高之。未幾病卒。年甫四十三。止一

子生家路仲里云。

洛溪許克哲字師錫邑庠生克佐字際唐

琳改名

上舍生七

婦從兄弟也並有文行師錫娶歸安徐氏名葉昭字克莊

父諸暨教諭繩甲母王為竹垞先生外孫女學有淵源能

詩文而尤好八大家刻有職思齋古文一卷詩載續輶軒

錄際唐子鏞字名夏諸生世其家學

門人湯步瀛字葆初表兄沈城南聲也早歲遊庠工詩文

家貧客中州惜年僅三十餘竟以客死身後詩文零落嘗

見其放生池五律一首筆極清老覓稿不得太息久之